

州刺史，遂歿而不返。嗟乎，異物之情也，有人焉，遇暴不失節，狗人以至死，雖今婦人有不如者矣。惜鄭生非精人，徒悅其色而不徵其情性。向使淵識之士，必能揉變化之理，察神人之際，著文章之美，傳要妙之情，不止於賞翫風態而已。惜哉！建中二年，既濟自左拾遺，於金吳將軍裴冀，京兆少尹孫成，戶部郎中崔需，右拾遺陸淳，皆適居東南，自秦徂吳，水陸同道。時前拾遺朱放，因旅遊而隨焉，浮潁涉淮，方舟沿流，晝讌夜話，各徵其異說。衆君子聞任氏之事，共深歎駭。因請既濟傳之以志異云。

靈應傳 ①

于 逖 ②

涇州之東二十里，有故薛舉城，城之隅，有善女湫，廣袤數里，兼葭叢翠，古木蕭疎，其水湛然而碧，莫有測其淺深者。水族靈怪，往往見焉。鄉人立祠於旁，曰九娘子神。歲之水旱禱禳，皆得祈請焉。又州之西二百餘里，朝那鎮之北，有湫神，因地而名曰朝那神。其舛蠻應靈，則居善女之右矣。乾符五年，節度使周寶在鎮日，自仲夏之初，數數有雲氣，狀如奇峯者，如美女者，如鼠，如虎者，由二湫而興。至於激迅風，震雷電，發屋拔樹，數刻而止。傷人害稼，其數甚多。寶責躬勵己，謂爲政之

①此文見太平廣記卷四百九十二。

②太平廣記無作者姓名，唐代叢書題于逖作于逖生平未詳。